

سنه : ۱

۳۱ آگستوس ۱۳۳۴

عدد : ۶

تاریخ وادستان

۱۳۳۶ هـ

مجموعه

نظيره

حسنه دوشمش کونش یار دل آرادر کلن
 یابشر شکنده برنور دوبالادر کلن .
 بردمیر چنبر کسيله شدر زمین و آسمان
 قاچه ای کوکلم قوشی صیاد یکتادر کلن
 عشق صحراسنده یارب هرطرفدن کوشمه
 دهشت آوازه زنجیر سودادر کلن
 یأس دنیادن خلاصه کیمدن امداد ایستسم
 جان ویروب قورتول دیه صوت تسلادر کلن
 هرکیسی بی غم صانوب ایتدسه دعوت خانه مه
 برده باقدم درد ایله دهشتلی شیدادر کلن
 جلوه دار ذوق اولان قارشکده دلبرلر دکل
 عشق دیرلر نائه بر درد دهیادر کلن
 صفوت وجدانکی ترک ایتمه اوغراسک غمه
 کون غروب ایلرسه دیجور غم افزادر کلن
 قابلیت اهلی هر دم هرطرفدن فیض آلیر
 رنک و بودر کلشنه باد فرخزادر کلن
 یاده جان قربان ایدوب آل قانلره کیرسون کوکل
 جامه کلکونی کیسون عید اضحادر کلن
 بر معظم تختگاه اولمش (امیری) شهر دل
 کاربان فیضدر کالای معنادر کلن



دیگر فضل

دنیا بزه برسوکیلی کاشانه دکلدرد
 زیرا بوکوچوک خانه بزم خانه دکلدرد
 اوقتکی مست اولق ایله ایله تضییع
 کاشانه دنیا سکا میخانه دکلدرد
 شایسته دکل ایتمک اعمارینه اقدام
 دنیا بزه برخانه ویرانه دکلدرد
 ای مرغ دل آباده چالش کلشن دهری
 زیرا بزه ویران قالهسی لانه دکلدرد

سن عاشق بیرونی ، به غافل نه سانورسک
 بیدار محبتدر او مسانه دکلدرد
 ای مست هوا کوکلی بیلیم نه قیرارسک
 اجر تله آلمش سکا پیمانه دکلدرد
 اسلاف عظامک سوزینه ایله تعریض
 سن اکلادیفک کوهر و دردانه دکلدرد
 طبعک سنک اغراض ایله حسد چاکدر اما
 اول عقده بی حل ایلیه جک شانه دکلدرد
 طقلانه ادا ، کعب مزایاسنه یتیز
 شاهانه سخنلردر او افسانه دکلدرد
 زیرا که سنک سوغش اولان شعله فکرک
 اول شمع ضیا کستره پروانه دکلدرد
 هر کیمکه دکل عارف معنای معارف
 مرد سختم دیرسه ده مردانه دکلدرد
 کیم اولسه استاد رموزات حقایق
 خدام سر پرده شاهانه دکلدرد
 بیک کره دیسه واقف اسرار جام
 والله ینه محرم جانانه دکلدرد
 تحصیل علوم ایلمین غافل نادان
 فرزند ذکی اولسه ده فرزانه دکلدرد
 ای پرورش نفس وشکمه اولان استاد
 آثار سلف شلیم وکستانه دکلدرد
 سن نرده بکم نرده اوعالی ادبیات
 عالم سنک احوالک بیکانه دکلدرد
 عرق ادبی اولسه کیمک طاهر وتابان
 انکار ایده من نسلی چنکانه دکلدرد
 اخطار ایدرم ایسته (امیری) به طولاشمه
 برواقف معنادر اودیوانه دکلدرد

